



Broj: 01-73/20
Vareš, 30.06. 2020. godine

Z A P I S N I K
sa 36. sjednice Općinskog vijeća Vareš,
održane 28.05. 2020. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

Odsutni: Fadila Turki.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 36. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, tajnik Općinskog vijeća – gosp. Leon Pavlović, pomoćnici načelnika – gosp. Ermin Musa, gosp. Ibrahim Spahić, gosp. Čedomir Jelić i rukovodilac JURA - gosp. Rusmir Berberović, komandir PVJ – Izudin Muftić, ispred Službe za privredu, finansije i trezor – gosp. Dragan Orozović, predsjednici političkih partija i predstavnici medija.

Tajnik OV Leon Pavlović izvijestio je Vijeće o odgovorima na postavljena vijećnička pitanja sa 35. sjednice OV održane 27.02.2020. godine i realizaciji Zaključka. Na 35. sjednici nije bilo zaključaka, postavljeno je osam (8) vijećničkih pitanja. Na sedam (7) pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja. Na jedno (1) pitanje nije odgovoreno.

Općinski načelnik Zdravko Marošević za današnju sjednicu u svom obraćanju o aktualnim pitanjima izvijestio je prisutne o aktivnostima u proteklom periodu sa akcentom na dešavanja prouzrokovana pandemijom korona virusa COVOD 19 i poduzetim radnjama i učešću svih nadležnih, ustanova, organizacija i građana na sprečavanju iste. Zahvalio se svima na doprinosu i poštivanju mjera donesenih od nadležnih organa.

(Vijećnička pitanja)

Elvir Rožajac

1. Na stubovima ulične rasvjete na dosta mjesta nema poklopca, otvorene instalacije. Ne znam ko je nadležan, pa bih molio da se ovaj problem riješi. Da li bi se mogle skinuti zastavice koje su uobičajene da se stavljaju za praznike, one su tu cijele godine. Vjerujte, prigovaraju nam ljudi koji dolaze sa strane?
2. U naselju Ljepovići, često dolazi do nestanka vode. Obraćali su se JKP, dobili su odgovor da je problem vezan oko dopunjavanja rezervoara . Radi se o višečlanoj porodici koja redovno izmiruje svoje obaveze prema JKP-u, ali imaju stalni problem oko vode?

Branko Romić

3. Šteta od divljih svinja zatekla je mještane Stupnog Dola. Dovoljno za apel o hitnom sastanku nadležne službe Civilne zaštite, izvršnog odbora lovačkog društva i PS Vareš. U cilju sprečavanja daljnjeg djelovanja ove divljači. (dao je pojašnjenje).

Nedžad Mušanović

4. Zamoljen sam da pitam načelnika da li je u komunikaciji sa JKP Vareš, vezano za potpisan ugovor o sanaciji nogometnog stadiona NK Vareš, dreniranje i odvodnja? Da li će se ovi radovi moći izvršiti u skorije vrijeme, recimo do septembra 2020. godine?

Kruno Ridić

5. Građani i predsjednik MZ Pogar uz pomoć firme Eastern Mining rekonstruisali su put. Mole Vas (načelnika i nadležne službe) da im se postave dvije table (o dozvoljenoj nosivosti), kako put koji je urađen ne bi bio uništen. Zbog kamiona koji prolaze, koji nose tereta više nego što je dozvoljeno. Postavljanjem tabli sačuvali bi obnovljeni put.
6. Pitanje građana Vareš Majdana. Da im se pročiste slivnici i kanali kod Trafo stanice, jer bujice i kiše koje dolaze slijevaju se kućama, uništavaju bašte i nose nanose.

Safeta Muftić

7. Postavljam pitanje direktoru JKP Vareš. Da li je tačna informacija koja ovih dana izaziva brigu zaposlenih pomenutog preduzeća i burnu raspravu prema tome i otpor građanstva da je direktor JKP-a dobio dva spiska sa imenima ljudi koje treba otpustiti iz ovog preduzeća čiji smo mi - OV osnivač- i drugog spiska ljudi koje treba primiti na pomenuta radna mjesta, odnosno umjesto ovih prvih. Ovo sam zamoljena od grupe građana uposlenika i užih članova porodica uposlenih. Zamolila bih direktora da se oglasi odnosno dostavi odgovor na ovo pitanje. Obzirom da će o ovom problemu brzo biti obaviješteni istražni organi, novinari jer to žele pomenuti građani.
8. Vezano pitanje za nestanak vode u Ljepovićima, posljedica je bila iritantna u mjesecu ramazanu, kada su ljudi imali veću potrebu za vodom. Molila bih nadležne da se oglase po ovom pitanju, da li je bio kvar ili neka druga namjera?

Mirnes Ajanović

9. Pitanje za načelnika Općine Vareš. S obzirom na tešku finansijsku sliku na našoj općini, a pogotovo na lošem punjenju budžeta za vrijeme krize. Na prošloj Vandrednoj sjednici podržali smo proširenje istraživačkih radnji kompanije Eastern Mining, a gdje se govorilo o uplati koncesionih i drugih naknada prema budžetu Općine Vareš u iznosu od oko 400.000 KM. Kao Klub SDP-a pitam šta je sa uplatom naknada? Špekuliše se da su neka odobrenja potrebna i od Vlade Federacije?
10. Pitanje je adresirano na predsjedavajućeg OV Vareš, jer dolazi iz menadžmenta javne ustanove Doma zdravlja. Na jednoj od sjednica OV tražena je mogućnost finansiranja uposlenja od strane Općine prema Domu zdravlja Vareš. Također je zadnji izvještaj došao sa gubitkom od 90.000 KM. S tim u vezi neobično je da Dom zdravlja ima situaciju novih upošljavanja, anonimnih prijava i izuzimanja dokumentacije od strane nadležnih organa iz Zenice. Koliko tu ima porodičnog i stranačkog zapošljavanja, kada u većini slučajeva može da se prepozna i jedno i drugo?
11. Pitanje odnosi se na nedavno dijeljenje pakete sjemena za sjetvu, koja je izazvala loše reakcije jednog dijela javnosti i građana Vareša. Koji su bili kriteriji podjele sjemena, koje su bile propozicije, da li je ikad objavljen Javni poziv? Da li je ta podjela bila socijalnog karaktera s obzirom na krizu? Koliko je podjela sjemena bila koordinirana sa drugim organizacijama i udruženjima?

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV dao je usmeni odgovor na jedno pitanje.

Zamjenik predsjedavajućeg preuzeo je vođenje sjednice.

Zamjenik predsjedavajućeg OV pozvao je vijećnika Dženana Džafu kao zaposlenika Službe za privredu, finansije i trezor da iznese pojašnjenje u vezi podjele sjemena.

Vijećnik Dženan Džafu ispred Službe za privredu, finansije i trezor dao je pojašnjenje u vezi procedure i načina podjele doniranih sjemena i izjavio da će u toku pauze svim vijećnicima dostaviti spisak osoba kojima su donirana sjemena.

Zamjenik predsjedavajućeg OV stavio je na raspravu Zapisnik sa 35. sjednice OV.

Nije bilo primjedbi i zamjenik predsjedavajućeg OV stavio je na izjašnjanje Zapisnik sa 35. sjednice OV i nakon izjašnjanja vijećnika konstatira da je **jednoglasno sa (16 glasova „ZA“)** (odsutni predsjedavajući Adis Čizmo i vijećnik Đemo Kevrić) **usvojen Zapisnik sa 35. sjednice OV.**

Zamjenik predsjedavajućeg OV stavio je na raspravu Zapisnik sa 2. Vanredne sjednice OV.

Nije bilo primjedbi i zamjenik predsjedavajućeg OV stavio je na izjašnjanje Zapisnik sa 2. Vanredne sjednice OV i nakon izjašnjanja vijećnika konstatira da je **sa 15 glasova „ZA“ i 1 „SUZDRŽANIM“ glasom** (odsutni predsjedavajući Adis Čizmo i vijećnik Đemo Kevrić) **usvojen Zapisnik sa 2. Vanredne sjednice OV.**

Zamjenik predsjedavajućeg OV stavio je na raspravu prijedlog dnevnog reda za 36. sjednicu OV koji je usuglašen na Kolegiju Općinskog vijeća.

Pomoćnik načelnika Ermin Musa ispred predlagača uz pojašnjenje predložio je dopunu dnevnog reda sa točkom 1 „Prijedlog Zaključka o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta „Punionica vode“ u naselju Donja Borovica, općina Vareš.“

Vijećnik Kruno Riđić izrazio je neslaganje sa dostavom materijala na sjednici koji se treba uvrstiti u dnevni red, o istom je dao pojašnjenje.

Pomoćnik načelnika Ermin Musa dao je dodatno pojašnjenje u vezi hitnosti uvrštavanja ove tačke u dnevni red.

Zaključena je rasprava i zamjenik predsjedavajućeg OV stavio je na izjašnjanje prijedlog dnevnog reda 36. sjednice uz predloženu dopunu.

Nakon izjašnjanja vijećnika zamjenik predsjedavajućeg OV konstatira da **je sa 14 glasova „ZA“ i 2 „SUZDRŽANA“ glasa** (odsutan predsjedavajući Adis Čizmo i vijećnik Đemo Kevrić) **usvojen sljedeći**

D n e v n i r e d

1. Prijedlog Zaključka o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta „Punionica vode“ u naselju Donja Borovica, općina Vareš.“
 - Izvjestilac: Ermin Musa.
2. Izvještaj o radu Općinskog načelnika za 2019. godinu.
 - Izvjestilac: Općinski načelnik

3. Izvještaj/Izvješće o izvršenju budžeta/proračuna Općine Vareš za period januar/siječanj – decembar/prosinac 2019.godine.
- Izvjestilac: Općinski načelnik
4. Izvještaj/Izvješće o izvršenju budžeta/proračuna Općine Vareš za period januar/siječanj/mart/ožujak 2020. godine.
- Izvjestilac: Općinski načelnik
5. Izvještaj Komisije za procjenu prometne vrijednosti nekretnina za 2019. godinu.
- Izvjestilac: Predsjednica Komisije
6. Izvještaj o rješavanju upravnih stvari u upravnom postupku svih općinskih službi za upravu u 2019. godini.
- Izvjestilac: Čedomir Jelić
7. Izvještaj o radu Zdravstvenog savjeta za 2019. godinu.
- Izvjestilac: Čedomir Jelić
8. Izvještaj o stanju zaštite od požara na području općine Vareš sa akcentom na realizaciju Plana zaštite od požara.
- Izvjestilac: Ibrahim Spahić
9. Informacija o poduzetim mjerama i aktivnostima Općinskog štaba civilne zaštite Vareš vezanih za pojavu koronavirusa (COVID 19).
- Izvjestilac: Ibrahim Spahić
10. Aktivnosti na implementaciji Strategije razvoja poljoprivredne proizvodnje na području općine Vareš za period 2019-2024. godine.
- Izvjestilac: Dragan Orozović
11. Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih budžetom Općine Vareš za 2020. godinu.
- Izvjestilac: Dragan Orozović
12. Informacija o stanju u oblasti privrede i nezaposlenim licima koja se vode kod biroa za zapošljavanje Vareš po kvalifikacionoj, starosnoj i polnoj strukturi.
- Izvjestilac: Radoš Jadranka
13. Informacija o provedenim aktivnostima u toku 2019. godine u okviru projekta „Podrška stanju socio-ekonomskoj stabilnosti regije zapadnog Balkana 2019-2020. godina.
- Izvjestilac: Rusmir Berberović

14. Informacija o zimskom održavanju lokalnih i regionalnih puteva i gradskih ulica.

- Izvjestilac: Ermin Musa

15. Tekuća pitanja

Ad. 1.

(Prijedlog Zaključka o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta „Punionica vode“ u naselju Donja Borovica, općina Vareš.)

Predlagač nije imao dodatno pojašnjenje.

Tajnik OV Leon Pavlović skrenuo je pažnju na pravno-tehničku dopunu u preambuli prijedloga Zaključka.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta „Punionica vode“ u naselju Donja Borovica, općina Vareš.

Nakon izjašnjavanja vijećnika predsjedavajući OV konstatira da je **sa 14 glasova „ZA“, 2 „PROTIV“ i 1 „SUZDRŽANIM“ glasom** (odsutan vijećnici Đemo Kevrić) **usvojen**

Zaključak o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta „Punionica vode“ u naselju Donja Borovica, općina Vareš.

Ad. 2.

(Izvještaj o radu Općinskog načelnika za 2019. godinu.)

Otvorena je rasprava u kojoj su svoja mišljenja, pitanja, sugestije i stavove iznijeli vijećnici: Kruno Ridić, Emir Islamović, Safeta Muftić i Branko Romić.

Općinski načelnik Zdravko Marošević u svom obraćanju dao je odgovore na postavljena pitanja vijećnika u raspravi i pojašnjenja u vezi određenih namjenskih sredstava, određenih projekata i stranih investitora.

Zaključena je rasprava i predsjedavajući OV stavio je na izjašnjavanje Izvještaj o radu Općinskog načelnika za 2019. godinu.

Nakon izjašnjavanja vijećnika predsjedavajući OV konstatira da je **jednoglasno sa (18 glasova „ZA“)** usvojen

Izvještaj o radu Općinskog načelnika za 2019. godinu.

Ad.3.

(Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2019. godine.)

Komisija za privredu, finansije i budžet na 20. sjednici održanoj 20.05.2020. godine jednoglasno je donijela sljedeći Zaključak:

- **Komisija prihvata Izveštaj uz primjedbu da izdaci prate prihode i skreće pažnju Općinskom načelniku i nadležnim službama da se izvršenje budžeta vrši u skladu sa Zakonom o budžetima FBiH, Zakonom o trezoru u FBiH, Zakonom o javnim nabavkama BiH i Odlukom o izvršenju budžeta.**

Općinski načelnik Zdravko Marošević dao je dodatno pojašnjenje za ovu tačku dnevnog reda i iznio svoje mišljenje o teškom stanju u općini Vareš kao i u državi.

Otvorena je rasprava u kojoj su svoja mišljenja, primjedbe, sugestije i pitanja iznijeli vijećnici: Kruno Riđić, Safeta Muftić, Adis Čizmo, Mirnes Ajanović, Emir Islamović, Mario Mirčić, Mirnes Ajanović (replika), Elvir Rožajac i Đemo Kevrić.

Vijećnik Kruno Riđić je na osnovu prijedloga pojedinih vijećnika o eventualnom zakazivanju Tematske sjednice po pitanju teške finansijske situacije u Općini Vareš, traženju pomoći od viših nivoa vlasti, načinu izmirenja dugovanja prema uposlenim i drugim dugovanjima, zatražio da se prije glasanja po ovoj tački dnevnog reda, Vijeće izjasni da li će se održati Tematska sjednica.

Predsjedavajući OV izjavio je da za Tematsku sjednicu potrebno pripremiti materijal i sugerirao da umjesto tematske sjednice održi se proširena sjednica Kolegija OV o čemu je dao i pojašnjenje.

Općinski načelnik dao je odgovore na neka pitanja vijećnika i dodatna pojašnjenja.

Zaključena je rasprava i predsjedavajući OV uz Zaključak Komisije za privredu, finansije i budžet, stavio je na izjašnjavaње Izveštaj/Izvešće budžeta/proračuna Općine Vareš za period januar/siječanj-decembar/prosinac 2019. godine.

Nakon izjašnjavaња vijećnika predsjedavajući OV konstatira da je **sa 11 glasova „ZA“, 6 glasova „PROTIV“ i 1 „SUZDRŽANIM“ glasom usvojen**

Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2019. godine.

Ad.4.

(Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2020. godine.)

Komisija za privredu, finansije i budžet na 20. sjednici održanoj 20.05.2020. godine jednoglasno je donijela sljedeći Zaključak:

- **Komisija prihvata Izvještaj uz primjedbu da izdaci prate prihode i skreće pažnju Općinskom načelniku i nadležnim službama da se izvršenje budžeta vrši u skladu sa Zakonom o budžetima FBiH, Zakonom o trezoru u FBiH, Zakonom o javnim nabavkama BiH i Odlukom o izvršenju budžeta.**

Otvorena je rasprava u kojoj su svoja mišljenja, stavove i pitanja iznijeli vijećnici: Mirnes Ajanović, Elvir Rožajac, Kruno Riđić, Safeta Muftić, Đemo Kevrić, Mirnes Ajanović.

Predsjedavajući OV je na osnovu diskusije vijećnika Mirnesa Ajanović izjavio da Vijeće stoji na raspolaganju Općinskom načelniku u vidu davanja podrške u vezi iznalaženja rješavanja trenutne situacije u Općini Vareš. O istom je dao pojašnjenje.

Zaključena je rasprava i predsjedavajući OV uz Zaključak Komisije za privredu, finansije i budžet, stavio je na izjašnjanje Izvještaj/Izvješće budžeta/proračuna Općine Vareš za period januar/siječanj-mart/ožujak 2020. godine.

Nakon izjašnjanja vijećnika predsjedavajući OV konstatira da sa **9 glasova „ZA“, 6 glasova „PROTIV“ i 3 „SUZDRŽANA“ glasom nije usvojen**

***Izvještaj/Izvješće o izvršenju budžeta/proračuna Općine Vareš
za period januar/siječanj – mart/ožujak 2020. godine.***

Predsjedavajući OV dao je stanku u trajanju od 20 minuta.

Nastavljeno je sa rado sjednice.

Ad.5.

*(Izveštaj Komisije za procjenu prometne
vrijednosti nekretnina za 2019. godinu)*

Predlagač nije imao dodatno pojašnjenje.

Otvorena je rasprava u kojoj je učestvovao vijećnik Kruno Riđić i Dragan Orozović ispred Komisije koji je dao dodatno pojašnjenje.

Zaključena je rasprava i predsjedavajući OV stavio je na izjašnjanje Izvještaj Komisije za procjenu prometne vrijednosti nekretnina za 2019. godinu.

Nakon izjašnjanja vijećnika predsjedavajući OV konstatira da je **jednoglasno (sa 18 glasova „ZA“) usvojen**

***Izveštaj Komisije za procjenu
prometne vrijednosti nekretnina u 2019. godini.***

Ad.6.

(Izveštaj o rješavanju upravnih stvari u upravnom postupku svih općinskih službi za upravu u 2019. godini.)

Predlagač nije imao dodatno pojašnjenje.

Nije bilo rasprave po ovoj točki dnevnog reda i predsjedavajući OV stavio je na izjašnjanje Izveštaj o rješavanju upravnih stvari u upravnom postupku svih općinskih službi za upravu u 2019. godini.

Nakon izjašnjanja vijećnika predsjedavajući OV konstatira da je **jednoglasno (sa 18 „ZA“) usvojen**

Izveštaj o rješavanju upravnih stvari u upravnom postupku svih općinskih službi za upravu u 2019. godini.

Ad.7.

(Izveštaj o radu Zdravstvenog savjeta za 2019. godinu.)

Otvorena je rasprava u kojoj su učestvovali vijećnici: Mirnes Ajanović, Adis Čizmo, Safeta Muftić, Elvir Rožajac i Branko Romić.

Zaključena je rasprava i predsjedavajući OV stavio je na izjašnjanje Izveštaj o radu Zdravstvenog savjeta za 2019. godinu.

Nakon izjašnjanja vijećnika predsjedavajući OV konstatira da je **jednoglasno sa (18 glasova „ZA“) usvojen**

Izveštaj o radu Zdravstvenog savjeta za 2019. godinu.

Ad.8.

(Izveštaj o stanju zaštite od požara na području općine Vareš sa akcentom na realizaciju Plana zaštite od požara.)

Predlagač nije imao dodatno pojašnjenje.

Otvorena je rasprava u kojoj su svoja mišljenja, stavove i pitanja iznijeli vijećnici Kruno Ridić i Đemo Kevrić.

Komandir PVJ Izudin Muftić ispred predlagača dao je dodatno pojašnjenje za ovu tačku dnevnog reda i odgovore na postavljena pitanja vijećnika u raspravi. Upoznao je prisutne o opremljenosti PVJ.

Zaključena je rasprava i predsjedavajući OV stavio je na izjašnjanje Izveštaj o stanju zaštite od požara na području općine Vareš sa akcentom na realizaciju Plana zaštite od požara.

Nakon izjašnjanja vijećnika predsjedavajući OV konstatira da je **jednoglasno sa (18 glasova „ZA“) usvojen**

Izveštaj o stanju zaštite od požara na području općine Vareš sa akcentom na realizaciju Plana zaštite od požara.

Ad.9.

(Informacija o poduzetim mjerama i aktivnostima Općinskog štaba civilne zaštite Vareš vezanih za pojavu koronavirusa (COVID 19).)

Općinski načelnik u svojstvu komandanta Općinskog štaba upoznao je prisutne o poduzetim mjerama i aktivnostima vezanih za pojavu koronavirusa. Također je izvijestio Vijeće o dobroj koordinaciji Općinskog štaba sa svim preduzećima, ustanovama, organizacijama, PS Vareš i dobrovoljcima koji su bili angažirani. Zahvalio se svima na datom doprinosu.

Otvorena je rasprava u kojoj su učestvovali vijećnici: Nedžad Mušanović, Mirnes Ajanović, Kruno Ridić, Adis Čizmo (predložio je da Vijeće donese zaključak da se i dalje prati stanje po pitanju koronavirusa, te da se i dalje pravovremeno reaguje od strane Općinskog štaba Civilne zaštite), Elvir Rožajac, Lidija Miletović Berberović, Đemo Kevrić (predložio je da Vijeće donese zaključak da se kupi, osigura zaštitna oprema, dao je pojašnjenje).

Predsjedavajući OV u vezi prijedloga vijećnika Đeme Kevrić izjavio je da JU Dom zdravlja ima određenu rezervu zaštitne opreme i da je poduzela određenje radnje u nabavci dodatne opreme. Također je naglasio da i Služba za civilnu zaštitu po tom pitanju može poduzeti određenje aktivnosti. O istom je dao pojašnjenje.

Pomoćnik općinskog načelnika za Civilnu zaštitu Ibrahim Spahić u svom kratkom obraćanju dao je odgovor na postavljeno pitanje vijećnice Lidije Miletović Berberović.

Zaključena je rasprava i predsjedavajući OV konstatira da je uz **Zaključak da se i dalje prati stanje po pitanju Corona virusa, te da se i dalje pravovremeno reagira od strane Općinskog štaba Civilne zaštite, primljena k znanju**

Informaciju o poduzetim mjerama i aktivnostima Općinskog štaba civilne zaštite Vareš vezanih za pojavu koronavirusa (COVID 19).

Ad.10.

(Aktivnosti na implementaciji Strategije razvoja poljoprivredne proizvodnje na području općine Vareš za period 2019-2024. godine.)

Dženan Džafo ispred Službe za privredu, finansije i trezor dao je dodatno pojašnjenje za ovu tačku dnevnog reda i podsjetio prisutne i javnost na projekat dodjele platenika koji se implementira preko Centra za socijalni rad Vareš.

Nije bilo učesnika u raspravi i predsjedavajući OV konstatira uz **Zaključak da je Vijeće primilo k znanju**

Aktivnosti na implementaciji Strategije razvoja poljoprivredne proizvodnje na području općine Vareš za period 2019-2024. godine.

Ad.11.

(Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih Budžetom Općine Vareš za 2020. godinu.)

Otvorena je rasprava u kojoj su svoja mišljenja i stavove iznijeli vijećnici: Dženan Džafo (dopuna da se platenička proizvodnja sa 0,75 KM/m² poveća na 1,00 KM/m²), Mirnes Ajanović i Kruno Ridić.

Zaključena je rasprava i predsjedavajući OV stavio je na izjašnjanje (*uz dopunu da se plastenička proizvodnja sa 0,75 KM/m² poveća na 1,00 KM/m²*) Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih Budžetom Općine Vareš za 2020. godinu.

Nakon izjašnjanja vijećnika predsjedavajući OV konstatira da je **jednoglasno sa (16 glasova „ZA“)** (odsutni vijećnici Igor Šimić i Elvir Rožajac) **usvojen**

Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih Budžetom Općine Vareš za 2020. godinu

Ad.12.

(Informacija u oblasti privrede i nezaposlenim licima koja se vode kod biroa za zapošljavanje Vareš po kvalifikacionoj, starosnoj i polnoj strukturi.)

Nije bilo rasprave po ovoj točki dnevnog reda i predsjedavajući OV konstatira **uz Zaključak da je Vijeće primilo k znanju**

Informaciju u oblasti privrede i nezaposlenim licima koja se vode kod biroa za zapošljavanje Vareš po kvalifikacionoj, starosnoj i polnoj strukturi.

Ad.13.

(Informacija u provedenim aktivnostima u toku 2019. godine u okviru projekta „Podrška stanju socio-ekonomskoj stabilnosti regije zapadnog Balkana 2019-2020. godinu.)

Nije bilo rasprave po ovoj točki dnevnog reda i predsjedavajući OV konstatira **uz Zaključak da je Vijeće primilo k znanju**

Informaciju u provedenim aktivnostima u toku 2019. godine u okviru projekta „Podrška stanju socio-ekonomskoj stabilnosti regije zapadnog Balkana 2019-2020. godinu.

Ad.14.

(Informacija u zimskom održavanju lokalnih i regionalnih puteva i gradskih ulica.)

Nije bilo rasprave po ovoj točki dnevnog reda i predsjedavajući OV konstatira **uz Zaključak da je Vijeće primilo k znanju**

Informaciju u zimskom održavanju lokalnih i regionalnih puteva i gradskih ulica

Ad.15.

(Tekuća pitanja.)

Predsjedavajući OV upoznao je prisutne sa pristiglom poštom:

1. Zahtjev za podršku projekta „Defile života“ (obilježavanje godišnjice genocida u Srebrenici), od 12.03.2020. godine dostavljen od Udruženja „Pass“ Sarajevo. (dostavljeno Općinskom načelniku na daljnje postupanje)
2. Dopis-Zahtjev na odgovore i upite, broj: P-5/20 od 16.03.2020. godine dostavljen o MZ Pogar.

Predsjedavajući OV podsjetio je prisutne da je Kolegij OV upoznat sa zahtjevom MZ Pogar i o istom je donio Zaključak po kome je traženo od Službe za prostorno uređenje da do 28.05.2020. godine, Vijeću dostavi pisano očitovanje o istom. Očitovanje nije dostavljeno.

Pomoćnik načelnika Ermin Musa upoznao je prisutne da je Općinskom načelniku dostavljen gore navedeni Zahtjev i da će nadležne Službe svaka iz svoje nadležnosti pripremiti podatke, odgovore i sl., dostaviti ih Općinskom načelniku kako bi Načelnik o istom dostavio odgovor.

Sastavni dio ovog Zapisnika je audio zapis sjednice.

Sjednica je završena u 18,55 sati.

TAJNIK

Leon Pavlović

ZAPISNIČAR

Azra Pijadžer

**PREDSJEDAVALAČI
OPĆINSKOG VIJEĆA**

Adis Čizmo